

金 玉 烏 餅

關 井 魯 水

攀 寧 木 齋

松 蓮 齊 詩

集 蓮 雜 別

集 集 詩 集



餅水齋詩別集

舒位著

叢書集成初編

(補印本)

餅水齋詩別集及其他三種

一九三七年正月初版
一九五九年十月補印

商務印書館出版

上海大眾文化印刷廠印刷

餅水齋詩別集卷一

清 大興舒 位著

柔兆敦牂

春秋詠史樂府

撰春秋詠史長短句詩。強名之曰樂府。大旨以左氏內傳爲經。而以國語、公穀爲緯。并雜采諸他書之論春秋時事者。凡一百四十首。昔人之爲詠史樂府也。惟楊抱遺、李畏吾爲最著。近尤西堂。則有明史樂府。顧皆詳於後代。而略於春秋。今茲所詠。若補其闕。或褒焉。或譏焉。或存而不論焉。長言不足。則他事相形。莊論易倦。則談諧間出。雖其音節未必有合乎古。抑亦征南之一癖歟。蓋嘗論春秋人物。於君許楚共。晉悼於臣則魏絳、羊舌肸、公孫僑。三人而已。迨至共悼既歿。僑不能相大國。絳與肸皆不得爲正卿。灌而往。檜以下。讀史者索索然矣。故詠史詩止於此也。非倣伯恭博議之例也。

蔓難圖

京城大叔美且都。無使滋蔓蔓難圖。蔓雖難圖。荆可種。矧又黃泉不相送。不相送。會相見。小人有母能樹。護。寡人有弟徒滋蔓。君不見象日殺舜。舜不憂。封諸有庠爲諸侯。

碩人怨

齊侯之子衛侯妻。妻錦襪衣。妾綠衣。綠衣黃裏。碩人怨。蕭然絺綌。秋風淒。秋風淒。送歸燕。淚如雨。不相見。

純臣篇

君州吁。臣石厚。老夫痛心復疾首。戴嬀大歸。君所知。此二人者。假君手。亂臣賊子。何代無。胡亥能死。秦扶蘇。李斯不語。趙高語。純臣石大夫。

公矢魚

春蒐夏苗。各有制。今此矢魚。非古意。侍臣稱疾不能從。流水茫茫迷遠地。珊瑚之網翡翠竿。歸來誰宴頭魚筵。爲魚最有魯魚苦。取次宣公濫泗淵。

滕辭朝

五年一朝。三年一聘。辭封夏奚仲。滕亦周卜正。維山有木工度之。周禮宗盟重同姓。君不見漢陽諸姬楚蠶食。雖齒諸任亦不得。何況齊人將築辭。

鄭子都

昔有鄭子都。姣好天下無。能射穎考叔。不能取螯弧。考叔死。子都喜。行出雞犬卒出豕。咄嗟鄭伯焉知禮。

營菟裘

營菟裘。齊社圃。討薦氏。謝羽父。機事不密。則害成。將讓而弑。誠無名。天道好還。如轉轂。公死於齊輿。說輶。

郈大鼎

濟陰大鼎高巍巍。長繩百尺魯取來。出師本欲平甌亂。受賂乃復昭姦回。詰朝齋戒納太廟。臧孫流涕周公笑。昔聞九鼎遷至洛。今見大鼎來自郛。鼎如有耳豈不聞。鼎亦安足示子孫。何不鑄鼎作王斧。斬取當年宋華父。

戰繻葛

夏取麥。秋取禾。鄭伯怨王。王奈何。右拒周。左拒虢。鄭伯禦王。王敗績。魚麗之陳。旌而鼓。先者偏。後者伍。枉矢犯紫微。祝聃彎弓。氣如虎。彎弓彎弓。王肩血。紅七十二國。不討賊。令人卻憶齊桓公。

子同生

齊之甥。魯之子。不執仇。生亦死。蓬爲矢。桑爲弧。雖有雉。雉有狐。狐綏綏。雉啄啄。弧無弦。矢無鏃。不報仇。何爲耶。前宜曰。後夫差。

懷璧謠

贈君按劍而視之美玉。還我切玉如泥之寶劍。璧不可懷。劍不獻。獻璧無罪。劍無厭。叔也拔劍初出師。公也抱璧奔其池。君不見晉人假道賂垂棘。大抵虞公皆好璧。

莫敖趾

莫敖趾。莫敖死。蒲騷之役。偶然耳。奈何莫敖心竊喜。大夫望氣如有神。請君更爲張三軍。豈惟大夫賢。夫人亦無兩。今日臣趾高。明日君心蕩。

雍糾妻

女爲父所生。妻以夫爲氏。二者有親疎。誰能分別此。母言人盡夫。父則一而已。將夫來比父。父夫安可比。女聞阿母言。心知大有理。密語告阿父。壻也將死爾。阿父聞此言。盛怒壻無禮。持刀磔殺之。流恨入骨髓。生當誅權臣。死當作厲鬼。哀哉勿婦謀。婦謀至於死。

新臺水

新臺水深深似海。海河伯娶婦。豔且美。鳩巢鴻網長相思。相思不到新臺水。水濁不照愁。水深難洗羞。韓憑愁殺化青蝶。楊環笑看飛黃虬。

黃虬謂庶兄頑。

噬齊歎

噬齊噬齊且飲酒。楚王甥。鄧侯舅。三甥勸侯侯不從。一甥伐侯侯乃窮。噬齊噬齊淚沾臆。楚國終能亡鄧國。當年若聽三甥言。社稷早應不血食。

大豕啼

彭生人魯侯薨。彭生豕。齊侯死爲豕。爲人竟何是。人立豕啼。貝邱矢。貝邱矢。射公子。

射鉤行

臣戰乾時。臣射鉤。臣敗堂阜。臣請囚。施伯殺臣。臣不憂。鮑叔薦臣。臣不差。臣才可用。身可留。臣請爲君霸諸侯。願君毋忘昔日仇。公曰唯唯。卿無儔。

曹劌見

劌請見劌請戰。小信神弗孚。小惠民未徧。君言察獄必以情。以情察獄堪用兵。公徒三萬殺氣紫。齊雲沈沈鼓聲死。鼓聲死呼戰士車轉軸。弦發矢馬逸不能止。以刀殺敵如削紙。逐北追奔電光駛。誓將上雪車中恥。彼哉肉食焉知此。歸聽饒歌飲酒耳。

金僕姑

南宮長萬天下無。平生不識金僕姑。君豈可弑母可輦。忠臣孝子何殊途。陳娥靡曼傾瓊液。會遣將軍醉無力。生當蒙虎皮。死當裹犀革。雖堅非馬革。君不見馬新息。

內外蛇

南門雙蛇鬪不止。門外蛇生門內死。死者一去不復回。生者化作龍飛來。漢高斬蛇三尺劍。宋武射蛇一枝箭。蛇妖誠有之。妖由人興妖不知。

嬭息嬌

楚王新得息夫人。夢中化作陽臺雲。夫人顏色竟何似。有似東風三月桃花春。桃花盈盈溼春雨。但聞桃花香。不聞桃花語。桃花無言有兒女。楚宮秋。夫人愁。不怨息侯怨蔡侯。昔年花落人何在。今日花開水自流。君不見東家美人美無賴。一笑嫣然傾下蔡。

楚大閨

楚大閹乃以兵諫君。恨無細箭五十束。臣罪當誅。刖其足。足刖不可續。卞和空獻荆山玉。

五大夫

奪田奪圃復奪宮。五大夫不相容。天子蒙塵無處所。五大夫自歌舞。歌聲舞態猶未歇。北門兵來仗黃鉞。哀哉勿作五大夫。勤王之旅無時無。

佞人來

佞人來。佞人來。執而逃。罪有歸。鄭人侵宋。事誠有。魯人盟齊。會非久。逃亦不可逃。受亦不可受。佞人來。來何爲。

鳳凰占

娶妻如鴛鴦。擇婿如鳳凰。鴛鴦飛對對。鳳凰鳴鏘鏘。一世奔。再世強。五世熾而昌。八世專政殺齊王。以陳易齊。田代姜。豆區釜鍾不可量。七十二男如雁行。願君勿更占鳳凰。

二五耦

東關嬖五傾人城。梁五助之若耦。美男破老美女舌。況有優施中夜泣。吁嗟哉。淫破義。費極納女。楚建逃。李園進妹。春申斃。吁嗟哉。親惑疎。江充造蠱。戾園殺。息夫作軒。東平誅。

桓宮檻

桓宮檻煥且明。桓宮桷彫以琢。是諸侯。非禮也。彼子孫。何爲者。

未亡人

滅息執蔡死楚王。夫人奈何猶未亡。夫人未亡令尹喜。萬舞宮牆從此起。穀則異室死同穴。作詩者誰更誰說。六百兵車一轆轤。夜深楚帳聞啼鳥。

神降莘

神之來兮翩翩。賜汝號兮土田。土田兮陪敦。號公兮將奔國之興。今聽於民。其亡兮。乃聽於神。爾神之昭兮。抑爾神之昏。生行舟而罔水。死儀房以憑身。惟西師之將至兮。夫胡爲乎久居於此莘。

慶父材

慶父材哀姜哀子般。旣死閔亦死。嗚呼魯難哀姜始。君看武媚娘。能廢廬陵王。已子尙如此。何況娣之子。恨殺築臺臨黨氏。叔牙中酒沈沈爾。哀姜不足哀。文姜何以文。人言齊三女。能殺魯三君。

鶴乘軒

仙禽翩翩良不惡。飛上高軒樂莫樂。爲鵝爲鸛鶴不知。忽化沙蟲與猿鶴。華亭鶴不可栖。揚州鶴不可騎。緱山月黑吹笙稀。歸飛華表聲淒淒。禽荒自古能亡國。鶴軒不舞魚軒逆。孤山處士鶴歸來。不向西陵借油壁。

城曲沃

請歌從軍行。長子帥師取大城。再歌築城曲。宗子維城勝曲沃。里克有裏言。士藹多奇策。誠不願有商臣。

亦豈難爲泰伯采藥不還藥亦香采薇不食薇生光愛憐少子老是鄉申生何爲久自傷獨不見漢之東海唐淮陽

風馬牛

蔡姬蕩舟齊侯驚楚人膠舟周王崩侵蔡伐楚良有以矧無縮酒包茅菁管仲方相齊子文亦相楚彼夸城池堅此耀甲兵武馬牛其風南海波犀兕尙多棄則那乃知城濮之議戰不若召陵之議和

專之渝

秦龜泰筮夫人冊筮則從龜則逆龜長筮短君不知十年臭味良差池史蘇之占不能用君王夜有齊姜夢齊姜薰不香已無投笏褚都督空有望塵潘侍郎

褚比杜原款
潘比里克

四字獄

于少保兩字獄岳將軍三字獄賊由太子四字獄大抵小人女子心欲食忠臣孝子肉豈知胙肉原無毒倉頡造字鬼夜哭

賦狐裘

朝築城屈暮築城蒲蒲主重耳屈君夷吾築蒲者誰耶築屈者誰耶狐裘蒙茸何爲耶思公子兮別無家青宮桐木黃臺瓜

虞不

欲知虞與虢。譬若隴及蜀。得隴思蜀。誰不然。伐虢取虞。如破竹。鶉賁賁。星焯焯。虞後執。虢先奔。虢不五稔。虞不臘。輔車唇齒。誰與論。輔車本相依。唇齒亦相黨。唇齒寒。馬齒長。

城虎牢

城虎牢。城何高。城高不能障。讒口安得長。食園中桃。楚王昔贈申侯璧。侯今奈何適小國。小國不能容小。人虎牢城。城乃傾。

會葵邱

塗山盛王會。葵邱急霸功。叛者已九國。不聞誅防風。賜胙既非禮。拜胙亦多僞。所以游夏徒。不道桓文事。藐諸孤。

慶父殺般成季奔。里克殺卓荀息死。死者非奔者是。非謂奔者是。死者不得其所死。君言藐諸孤。辱在荀大夫。大夫曰貞貞乃諒。大夫曰忠忠則愚。忠貞既竭股肱力。猶幸當年言不食。雖不食。竟何益。吾聞伐虢取虞皆荀息。奈何不能殺里克。信不近義謀不臧。白圭白圭磨不得。

伏劍恨

二君一大夫。竟爲誰人死。伏劍不須恨。執筆非率爾。如何晉悼公。不殺欒武子。

新城巫

申生昔乘車。狐突執其轡。下國忽登僕。此事咄可恠。鬼曰晉卑秦。毋乃帝有醉。惟應新城巫。先告宗邱敗。

九百里

黃叛楚。楚伐之。楚伐黃。齊不知事。齊事楚。良獨難。南海北海何當還。君不見郢人倍道荆尸起。一夜能馳九百里。

汎舟役

渭川萬棧來河曲。絳州民食雍州粟。爲君一唱汎舟歌。不數雨珠復雨玉。天災流行何處無。明年秦吏空催租。秦人飢死晉飽死。晉人忽作越人視。爲君再唱汎舟歌。汎舟之役夫如何。

鄭小駟

扇馬不可騎。小駟不可乘。況張三軍觀殺獲。水土不習奚能勝。君不見韓原失意輅秦伯。出淖掀公不可得。可憐君馬黃。真到烏頭白。

作州兵

作爰田。國人哭。作州兵。國人樂。呂甥祕計洵無雙。卻乞文辭亦不辱。忽憶當年安樂公。閉目垂頭不思蜀。

五公子

五公子。六夫人。夫人非六如者六。公子各自思爲君。思爲君。不可得。筦子天下才。乃以孝公屬宋國。噫吁嘻。豎刁昔作觀軍容。易牙負鼎開方凶。楊門扇底壽宮淚。蠕蠕不殺三尸蟲。

鑄三鐘

願鑄鐘。弗鑄兵。鑄兵多殺氣。鑄鐘多遠聲。豈不知咸陽金人十有二。揭竿斬木終能至。

新里行

新里復新里。苕苕西逼秦。西逼秦。勿謂秦無人。秦人朝入新里門。新里竟爲秦人新。梁人築新里。梁人不能。有秦人不自哀。乃爲新里守。國家之守守在德。不在池深與城厚。新里新。梁國奔。長城長。秦國亡。

與子歸

卜之不從。妾爲妻。篋之不從。嬴敗姬。嬴敗姬。兮姪從姑。乃心西悲。歸來乎。問女何所悲。不及公子同與歸。思公子。未敢言。已逢蕭史。休回首。爭見洪厓。又拍肩。

魚門胄

馬腹甯可鞭。蠱尾豈不掉。誰知魚門胄。忽作龍山帽。君不見王頭士。壘空相笑。

公傷股

魯人戰齊人。公將鼓。蒯曰。不可。齊避魯。宋人戰楚人。公不鼓。公曰。未可。宋逃楚。公言不重傷。鄆子何爲用。臚社。公言愛二毛。滕子想非頌白者。大莫大於漢夜郎。智莫智於周宋襄。嗟嗟宋襄股。乃傷。

柯澤行

桓姜會齊侯。詩爲桓公差。文萃勞楚子。史爲文公恥。婦禮不踰闕。與門二姬況。出文夫人。夜深豈有高唐夢。薄薄魚軒遠相送。

公子篇

哀王孫母具食。觀公子妻。眞璧英雄失路。無人知。往往相憐在巾幘。宮中一夜醉鴛鴦。愁殺青青陌上桑。娉婷不嫁遠離別。二十五年空斷腸。

縣上田

旣焚介推山。亦爇負羈宮。求賢與報德。皆用烈火攻。所求何賢。報何德。縣上有田畊不得。龍蛇之歌。悽以惻。烟火蕭條作寒食。

替隗氏

夏之放。惑妹喜。殷之亡。悅妲己。周之遷。笑褒姒。東周之奔替隗氏。無極無終。惟女子。天下之事可知矣。

聚鵠冠

公子好奇服。流亡不知處。傳聞陳宋間。有人冠翠羽。冠翠羽。作天子。不衷不稱盜殺汝。

國子銘

邢衛昔皆遭狄擊。豈知衛亦邢之狄。當年同姓竟何如。孤負齊人從簡書。巡城何處來二禮。二禮來。一國死。且自爲銘良不恥。曷銘爾曰。余掖殺國子。莫余敢止。

請隧行

左師逆天王。右師取太叔。泰伯雖可辭。陽人亦不服。函關紫氣從東來。路人爭看天王回。原田每每南陽。

境酒酣殷勤以隧請王曰叔父公其休他年遺恨聲如牛

原城圍

甯退一舍圍毋失三日信不聞倉葛呼但向勃鞞問晉侯器小不足論趙衰亦記壺殮恩君不見狗監薦相如景監因商君將軍豆粥野人塊衰乎衰乎空爾文

戰城濮

盟衡雍戰城濮獻楚俘受王福大輅之服戎輅服彤弓旅弓光赫煜拒鬯馨香卣刻玉虎賁絕勝紀綱僕王策晉侯侯三辭再拜稽首乃受茲彼善於此誠有之信盟德攻吾不知

夢河神

中軍夜夢河神語瓊弁玉纓願乞與會須賜汝孟諸湄令尹躊躇不能許號神六月初錫田河神一夜來求冠妖夢窮神本無賴雖與之冠兵亦敗

狩河陽

以臣召君罪不宥不得已書曰狩大書特書意忠厚河陽非復岐陽舊

深室獄

深室獄討不服豈曰討不服恩怨分明出五鹿曹貨筮史衛貨醫何似魯侯十穀玉玉乃王與晉侯之所欲歸遣成公夢康叔

生三犧

夷隸通鳥言。貊隸掌獸語。禽言獸語各有情。豈獨猩猩與鸚鵡。介君公讎聞牛鳴。不執牛耳知牛聲。問牛鳴悲抑。鳴喜是生三犧用之矣。生子爲犧莫自夸。爾牛舐犢何時已。君不見雄雞脩脩憚其尾。

北門管

北門管。擊柝守東門。師銜枚走馬三百。秦將軍牛十二。鄭商人北門管。東道主。秦具囿。鄭原圃。三帥執三客。逃車麟麟。馬蕭蕭。

二陵謠

北陵風。雨南陵廟。白馬從軍正年少。送人老淚日西斜。誰能更向長安笑。此行千里幾時歸。此去三軍何處來。聞道重關一百二。隻輪匹馬竟無回。

面如生

穆姬劫兩君。文嬴請三帥。誰云先軫唾。不及蹇叔淚。匹夫逞志心自傷。免胄一入將軍亡。將軍已亡不可見。鬚眉尙識將軍面。

享江芊

豺聲蠶目刻薄資。阿誰生此甯馨兒。立時已違鬪勃諫。廢時卻遣江芊知。役夫呼宮甲起。范巫裔似言驗矣。熊蹯豈與羊胛比。宋劭隋廣不可以爲子。蕭斌楊素不可以爲臣。亂臣賊子無忌憚。聖人絕筆春秋麟。